

Саловатни қисқартириб ёзиш

بِسْمِ اللَّهِ الرَّحْمَنِ الرَّحِيمِ

Аллоҳнинг Ўзигагина ҳамдлар, Унинг пайғамбари Муҳаммадга, пайғамбарининг оиласи ва саҳобларига салавоту саломлар бўлсин.

Сўнг ...

Бугунги кунда кўпгина китоб, мақола ва сайтларда саловатни қисқартириб ёзилаётганини учратиш мумкин. Улар Расулуллоҳ соллаллоҳу алайҳи ва саллам номлари зикр қилинганда С.А.В. ёки А.С.С. деб ёзадилар. Бу борада баъзи уламоларнинг фикрларини келтириб ўтмоқчимиз. Шояд мўминларга эслатма бўлса.

Хоғиз Ибн Касир раҳимаҳуллоҳ «ал-Баъис ал-хасис» номли машҳур китобларининг ҳадисларни қандай ёзиш лозим экани ҳақидаги бобида айтадилар: «Ҳар доим Аллоҳни улуглаш ва Унинг Расулига (соллаллоҳу алайҳи ва саллам) саловат айтиши лозим, ҳатто агар бу сўзлар кўп бора тақрорланса ҳам. Бундан толиқмаслик керак. Чунки бу сўзлар улкан яхшиликни ўз ичига олган. Саловат ва салом сўзларини тўлиқ ёзиш керак. Уларни шартли белгилар билан белгилаш ярамайди. Яна «алайҳиссалом» сўзи билан чекланиб қолмаслик керак. Аниқ ва тўлиқ қилиб «соллаллоҳу алайҳи ва саллам» деб ёзиш лозим».

Шунингдек имом Ибн Жамоа айтадилар: «Қачонки у (толиби илм) ҳар сафар Пайғамбар (соллаллоҳу алайҳи ва саллам) исмини ёзганида, салавот ва салом сўзларини қўйисин ва у зотга овозини чиқариб салавот айтсан. Салафлар ҳам, уларга эргашувчилар ҳам «соллаллоҳу алайҳи ва саллам» деб ёзишни ўзларига қоида қилиб олдишар. Бу сўзлар Аллоҳ таоло ўзининг улуг Китобида айтганига мувоғиқ бўлиши учун:

 إِنَّ اللَّهَ وَمَا تَبَرُّ كَتَهُ، يُصَلُونَ عَلَى الْنَّبِيِّ يَأْتِيهَا الْذِينَ ءَامَنُوا صَلُوٰعَلَيْهِ وَسَلَّمُوا تَسْلِيماً

«Албатта Аллоҳ ҳам, Унинг фаришталари ҳам пайғамбарга дуюю салавот айтурлар. Эй мўминлар, сизлар ҳам у зотга саловот ва саломлар айтинглар!» (Аҳзоб: 56). Бу борада батағсил тўхтамсак. Салавот сўзлари китобларда қисқартирилган ҳолда ёзилмаслиги керак. Ҳатто агар улар бир қаторда, бир неча бор учраса ҳам. Худди баъзи одамлар қилганидек. Улар яхшиликдан маҳрум бўлишади, ҳамда бу сўзларни ёзишини ўзлари учун малолланиши деб ҳисоблашади ва фақатгина уларнинг бош ҳарфларини ёзишади. Масалан: «с.а.в.с.», «а.с.с.». Буларнинг барчаси Пайғамбаримиз (соллаллоҳу алайҳи ва саллам) ҳақларини адо этишига тўскинлик қиласди» (Қаранг: «Тазкиратуссамиъ» 162).

Мана бу имомларнинг сўзлари барчамизга насиҳат бўлсин!

Кўп сонли сатрларни ёзишлиқ бизни малоллантирмаётган экан, келинг Пайғамбар соллаллоҳу алайҳи ва салламга саловат ёзиш ҳам бизни малоллантирмасин!

Аллоҳ пайғамбаримиз Муҳаммадга, Унинг оиласи ва барча саҳобаларига салавоту саломлар йўлласин!

Манба: [Тавхид форуми](#)